

mutatio non aliter odio tristiore luxuriæ quàm si perducta mens illuc usque cogitet quid & quod petatur & quare. Sed ne taphrone quidem quis extra orbem a natura relegata nostris uitiis caret: aurum argentumque & ibi in precio. Marmor testudinis simile. Gemæ margaritæque in honore multo præstantiores. Et totus luxuriæ nostræ cumulus ipsorum opes maiores esse dicebant: sed apud nos opulentia maiorem usum. Seruum nemini. Ne in diem aut interdium somnum. Aedificia modice ab humo extantia. An nonam nunquam augeri. Non foralites uel esse. Coli Hercule. Eligi regem a populo senectæ clementiaque liberos non habentem: & si postea gigant abdicari: ne fiat hæreditarium regnum. Rectores ei a populo. xxx. dari: nec nisi plinium sententia quemque capite damnari: sic quoque appellationem esse ad populum. Lxx. iudices dari: si liberent rem amplius. xxx. iis nullam esse dignationem grauissimo probro. Regi cultum liberi patris: cæteris arabum. Regem si quid delinquat morte mulctari nullo interimente: sed aduersantibus cunctis & cõmentia etiã sermonis negantibus. Festa uenatione absumi. Gratissimam eam tigris elephantisque constare. Agros diligenter coli. Pomis abundare. Esse in piscatu uoluptatē: testudinum maxime: quarum superficies familias habitantium contegi tanta reperiri magnitudine. Vitam hominum centum annis modicam. Hæc comperta de taprobane. Quattuor satrapia quas in hunc locum distulimus ita se habent.

Capissenæ: dariti. carmania. Cap. xxiii.

**A** Proximis indo gentibus montana capissenæ habent capissam urbem: quã diruit Cyrus. Arachosia cum oppido & flumie eiusdem noie: quod quidã Copen dixere a Semiramide conditum. Amnis hermædus præfluens per abesten arachosiorum. Proximos iis a meridie ad partem arachotæ faciunt gedrosos: & septentrione paropamisadas. Cartana oppidum sub caucaso: quod postea cecrogõis dictum. Hæc regio est ex aduerso bactrianorum. Deinde eius oppidum alexandria a conditore dictum. Syndaci: daugala: parapiana: cãtaces: magi. Ad caucasum cadrusi oppidum ab Alexandro conditum. Infra hæc omnia ora arabindo. Ariana regio ambusta feruoribus: desertisque circumdata. Multa tamen interfusa opacitate cultores congregat: circa duos maxime fluuios tonderon & arosapen. Oppidum artacacna arius amnis: qui præfluit alexandriã ab Alexandro condita. Patet oppidum stadia. xxx. multoque pulchrius (sicut æticius tradit) artacabane. Item ab antiocho munitum stadia. l. Deinde dorisci gens. Amnes pharnacotis: oppradus: prophthasia. Oppidum zarasparum drangæ: argetæ: zaragæ: gedrusi. Oppida peucolais: lymborta: methoricum: deserta. Amnis manain. Auguttiri gens. Flumen boru. Gensurbi flumen nauigabile ponamus pandorum finibus. item caberon forarum ostio portuosus. Oppidum condigrãma. Flumen cophes. influunt in eum nauigabilia sadatus: parospus: sodinus. Arianae partem esse dararin aliqui uolunt: mensuramque produunt utriusque longitudine. xix. l. milium passuum: latitudine dimidio minore quam india. Alii gedrosos & syros posuere per. clxxxiiii. M. pas. mox ichthiophagos. Oristas propria non indo lingua loquens per. cc. mil. pas. inde posuere arbio: gẽtem per. cc. mil. pas. Ichthiophagos omnes alexander uetuit piscibus uiuere. Ultra deserta deinde carmania: ac persis atque arabia. Sed priusquam hæc generatim persequamur: indicare cõuenit quæ prodit Onesicritus classe alexandri circumuectus in mediterranea persidis & india narrata proxime a iuba. Deinde eam nauigationem quæ his annis cõperta seruat hodie. Onesicriti & Nearchi nauigatio nec noia habet mansionum nec spatia. Primum xylonopolis ab alexandro condita unde cœperunt exordium. Iuxta quod flumen aut ubi fuerit non satis explanat. Hæc tamen digna memoratu produnt. Ab iis oppidum a Nearcho conditum in nauigatione ea. Flumen nabrum nauium capax contra insulam distans. lxx. stadiis. alexandria condita a Leonato iussu alexandri in finibus gentis. argenus portus salubris. Flumen tuberum nauigabile: circa quod patira. Deinde ichthiophagi tam longo tractu ut. xx. dierum spatium præ nauigauerint insulam: quæ solis appellatur: & eadem cubile nympharum rubens: in qua nullum non animal absimitur incertis causis. Ori gens. Flumen carmania hytanis portuosum & auro fertile. Ab eo primum septentriones apparuisse adnotauere. arcturum nec omnibus cerni noctibus: nec totis unquam. achemenide usque illo tenuisse. aeris & ferri metalla & ercini & minii exercere. Inde promontorium carmaniae est. Ex quo in aduerso ora ad gẽtem arabiae macas traiectus distat. l. mil. pas. Insulae tres quarum organa tantum habitatur a cosa a continenti. xxv. M. pas. insulae quattuor intimo in sinu ante persida. Circa has hidri marini uicenum cubitorum adnantes terruere crassem. insula acrotadus. item gaurata: in quibus chiana gens. Flumen hyperis in medio sinu persico onerariarum nauium capax. Flumen sitiogagus: quo pasargadas septimo die nauigatur. Flumen nauigabile phirstimus. insula sine nomine. Flumen granus modicarum nauium capax per susianem fluit. Dextera eius accolunt deximontani: qui bitumen perficiunt. Flumen Zarotis ostio difficili nã peritis. insulae duæ paruae. inde uadosa nauigatio palustri similis. Per euripos tamen quosdam peragitur. Ostium euphratis. Lacus quem faciunt euleus & tigris iuxta caracem. inde tigrisusa. Festos dies ibi agentem alexandrum inuenerunt septimo mense postquam digressus ab iis fuerat patalis tertio nauigationis. Sic alexandri classis nauigauit. Postea a syagro arabiae promontorio patalen fauonio quem hypalum ibi uocant peti certissimum uidebat. xlii. M. xxxii. pas. æstimatione. Secuta uero ætas propior

Antiquus  
Iterum

Oroatis